

Januaari 3.-at, 2017

Inatsisartut suleriaasianni § 37 naapertorlugu matumuuna Naalakkersuisunut imaattunik apeqquteqaatinik saqqummiussivunga:

Apeqqutit:

Inunnik isumaalugisaqartilluni Politiinut saaffiginninnermi ullormi allami saaffiginniinnaqqusisarnerit Naalakkersuisut akuersaarpaat?

(Inatsisartuni ilaasortaq Ineqi Kielsen, Siumut)

Tunngavilersuutit:

Nunatsinni Politiit saaffigineqartillutik periusaat ilaatigut akuersaaruminaalliartorpoq. Ilaatigut najukkanni Narsami nalaanneqarpoq, politiit ikiortiserineqarsimanerat inummik kisimiittumik isumaalugisaqarnermi, akissuteqarfiginninnermi akissut tassaasimavoq Politeeqarfiup allaffiata ammarnnerani saaffiginneqqequsilluni. Ilaatigut inuit pineqartut politiinut saaffiginnissimagaluartut, allatut ajornarmat nammineerlutik pineqartup kisimiittup angerlarsimaffianut alakkaasimapput, isumaalugineqartullu timaa nillertereersoq nassaarineqarluni. Taamatut innuttaasunik sullissineq akuersaaruminaappoq.

Tamatuma arlaatigut Naalagaaffiup iluani allanngortinniarneqarsinnaanerit Naalakkersuisut sulissuteqarfigineraat paasiniarpara.

Apeqquteqaatima tiguneraniit ullut suliffiusut qulit ingerlanerani paasissutissiilluartumik siunissamullu takorluuilluartumik akineqarnissara qilanaarivara.